

節錄明天房志科公留記

案祖屋嘉靖戊午歲倭酋內

攻伯叔兄弟先後俱遷省會守故土者獨大有公魯

公乾公矣三公既歿室廬荒廢僦人以居板障門窗

毀拆殆盡至萬曆辛酉歲

按萬曆無辛酉以年分計之當是己酉

圮頽

將傾借居者散而去矣鄰親郭少波修書馳報族長

命科回籍或修或拆便宜行事隨同瑞吾弟以往則

見西牆圮盡西邊榭全已傾倒西邊大屋倒後半截

大廳後堂椽瓦塌陷西邊厝仔不知何年傾卸寸木

片瓦無有存者其大屋徒有四壁前牆砌石僅存數

塊因歎曰事不大革則不大興兄弟業遷省會祖屋
木植徒爲寇資屢生釁端往返空費不如革故以鼎
新乎遂與瑞吾弟謀拆以賣木植磚瓦共賣得銀不
及六兩內瑞吾取去二兩還其原兌大有公屋價其
餘除往返夫費及辦祭品致祭先塋外尙留銀壹兩
柒錢零科收用甘作二兩以充建祠之用凡我叔姪
弟兄當思故土無忘先人就祖地建宗祠科所日夜
矢心有志未逮者請協力以舉勝事

明志科公歷敘軍由吾宗之軍始於人房祖建公代役

澤朗寨弓兵洪武二十八年從本官楊巡檢歐康知縣解部以越遞公文間發陝西甘州右衛軍無何張國公以南人不服甘州水土奏調西安後衛右所百戶景琳名下後又派輪守榆林邊衛屯種武功縣馬午里青口村永樂三年建公病故營無次丁發冊行勾惟時熒公孱弱地房尾公拈鬮赴補合族嘉其義舉津貼以壯行色尾公入伍後擅改軍名郭建爲貴輕至永樂十四年尾公回籍置辦軍裝公議鳩銀伍拾兩令尾公寫立收約再不復來祖家取討盤纏尾

公遂携胞弟貞公入陝貞公之孫彪公玉公英公入籍西鄉枝條蕃衍嘉靖六年尾公曾孫雄公同軍伴游江張鳳岐回閩探親其時我家族眾屢被里書藉詞補勾生端擾害雄公以西陝現有餘丁無容行勾本籍赴縣呈明給領執照萬曆己亥年雄公曾孫鴻宇貿易建陽因來省祖族中公醵一十一金以贈四年後復來一次後遂不復至矣

清世敦公記嘉靖戊午年倭亂子景公率天人二房弟男子姪避居省城惟大有公立魯公立乾公仍居澤